

---

## Биринчи Президентимиз хотираси доимо қалбимизда

Бугун, 2 сентябрь, Ўзбекистон Республикасининг Биринчи Президенти, буюк давлат ва сиёсат арбоби Ислон Абдуғаниевич Каримовни хотирлаш куни.

Президентимиз Шавкат Мирзиёевнинг 2017 йил 25 январда қабул қилинган “Ўзбекистон Республикасининг Биринчи Президенти Ислон Абдуғаниевич Каримовнинг хотирасини абадийлаштириш тўғрисида”ги [қарори](#)га асосан, ушбу кунни Хотира куни сифатида ёд этиш, давлатимиз мустақиллиги асосчиси ва истиқлолимиз меъмори Ислон Каримовнинг ёрқин хотирасини абадийлаштириш белгиланган.

Ислон Каримов 1989 йилдан 2016 йилга қадар мамлакатни бошқарган давлат арбоби, кучли сиёсатчи, миллат етакчиси.

1991 йил 31 август куни Ислон Каримов тарихий воқеа – Ўзбекистон Республикаси мустақиллигини эълон қилди. 1991 йил 29 декабрда муқобиллик асосида ўтказилган умумхалқ сайловида Ўзбекистон Республикасининг Президенти этиб сайланди.

Ислон Каримов мустақил Ўзбекистон Республикаси асосчиси, оғир дамларда мамлакатда хавфсизликни таъминлаб, унинг тараққиёти учун мустақкам пойдевор қўйган шахс сифатида юртимиз тарихида алоҳида ўрин тутди.

Ўзбек халқининг улуғ фарзанди, мустақил Ўзбекистон давлати асосчиси ва Биринчи Президенти Ислон Каримов 2016 йил 2 сентябрь куни оғир хасталиқдан сўнг 78 ёшида вафот этди.

Ислон Каримов хотирасини абадийлаштириш мақсадида 2017 йил 31 август куни Тошкент шаҳрида собиқ Оқсарой қароргоҳи олдида унинг биринчи ҳайкали тантанали очилди.

Шунингдек, Биринчи Президент ҳайкаллари 2017 йил 2 сентябрда Самарқандда, 2018 йил 30 январда Қаршида ва 2018 йил 18 октябрда Москвада очилди.

Бундан ташқари, Тошкент давлат техника университетига, Тошкент халқаро аэропортига, Фарғонадаги санъат саройига, Асакадаги автомобиль заводига ҳамда бир қатор кўчаларга Ислон Каримов номи берилди.

Инсон оламдан ўтса-да ҳаётлигидаги фидойилиги, эзгу ишлари, ибратли амаллари билан қалбларда мангу яшайди, ардоқланади. Мамлакатимизнинг Биринчи Президенти Ислон Каримов ҳам халқимиз кўнглида, хотирасида.

????????? ?????? ?????? ?????? ??????

2020-09-02 10:55:02